

劉向列女傳 三

漢書門
類號
二二八
一三
四
六
八
冊架

內閣文庫
漢書
類號
二二八
一
八
冊架
三九
函

內閣文庫
番號 漢 2281
冊數 11 (3)
函號 290 58




A 1 2 3 4 5 6 M 8 9 10 11 12 13 14 15 B 17 18 19

Kodak Gray Scale



© Kodak, 2007 TM: Kodak





新刻古列女傳卷之三

目錄

仁智

一 密康公母

二 楚武鄧曼

三 許穆夫人

四 曹僖氏妻

五 孫叔敖母

六 晉伯宗妻

七 衛靈夫人





八 齊靈仲子

九 魯臧孫母

十 晉羊叔姬

十一 晉范氏母

十二 魯公乘如

十三 魯漆室女

十四 魏曲沃婦

十五 趙將括母

新刻古列女傳卷之三

漢 光祿大夫劉向子政 撰
明 錢唐後學胡文煥德甫校

仁智傳

一 密康公母

密康公之母姓魏氏周共王遊于泮上康公從有
三女奔之其母曰必致之王夫獸三為群人三為衆女
三為祭王田不取群公行下衆王御不參一族夫祭
美之物歸汝而何德以堪之王猶不堪况尔小醜乎
康公不獻王滅密君子謂密母為能識微詩云無已

太康職思其憂此之謂也

頌曰

密康之母 先識盛衰 非刺康公 受祭不歸
公行下衆 物滿則損 俾獻不聽 密果滅殞



二 楚武鄧曼

鄧曼者武王之夫人也王使屈瑕為將伐羅屈瑕號
 莫敖與群帥悉楚師以行鬬伯比謂其御曰莫敖必
 敗舉趾高心不固矣見王曰必濟師王以告夫人鄧
 曼曰大夫非衆之謂也其謂君撫小民以信訓諸司
 以德而威莫敖以刑也莫敖狃于蒲騷之役將自用
 也必小羅君若不鎮撫其不設備乎於是王使賴人
 追之不及莫敖令于軍中曰諫者有刑及駟師次亂
 濟至羅羅與盧戎擊之大敗莫敖自經荒谷群帥囚
 于治父以待刑王曰孤之罪也皆免之君子謂鄧曼

為知人詩云曾莫聽大命以傾此之謂也王伐隨
 沮行告鄧曼曰余心蕩何也鄧曼曰王德薄而祿厚
 施鮮而得多物盛必衰日中必移盈而蕩天之道也
 先王知之矣故臨武事將發大命而蕩王心焉若師
 徒毋虧王薨于行國之福也王遂行率于楸木之下
 君子謂鄧曼為知天道易曰日中則昃月盈則虧天
 地盈虛與時消息此之謂也

頌曰

楚武鄧曼 見事所興 謂瑕軍敗 知王將薨
 識彼天道 盛而必衰 終如其言 君子揚稱



三 許穆夫人

許穆夫人者衛懿公之女許穆公之夫人也初許求之齊亦求之懿公將與許女因其傅母而言曰古者諸侯之有女子也所以苞苴玩弄繫援于大國也言今者許小而遠齊大而近若今之世強者為雄如使邊境有寇戎之事維是四方之故赴告大國妾在不猶愈乎今舍近而就遠離大而附小一旦有車馳之難孰可與慮社稷衛侯不聽而嫁之于許其後翟人攻衛大破之而許不能救衛侯遂奔走涉河而南至楚丘齊桓往而存之遂城楚丘以居衛侯於是悔不

用其信當敗之時許夫人馳驅而甲唁衛侯因渡之而作詩云載馳載馳歸唁衛侯驅馬悠悠言至于曹大夫跋涉我心則憂既不我嘉不能旋及視爾不滅我思不遠君子善其慈惠而遠識也

頌曰

衛女未嫁 謀許與齊 女諷母曰 齊火可依
衛君不聽 後果遁逃 許不能救 女作載馳

四 曹僖氏妻

曹大夫僖負羈之妻也。晉公子重耳云：過曹，恭公不禮焉。聞其駢脅，近其舍，伺其將浴，設帷而觀之。負羈之妻言于夫曰：吾觀晉公子，其儉者三人皆國相也。以此三人者，皆善戮力以輔人，必得晉國。若得反國，必霸諸侯，而討無禮。曹必為首。若曹有難，子必不免。子胡不早自貳焉？且吾聞之，不知其子者，視其父。不知其君者，視其所使。今其從者皆卿相之僕也，則其君必伯王之主也。若加禮焉，必能報施矣。若宥罪，馬必能討過。子不早圖，禍至不久矣。負羈乃遺之。





食_ラ加_カ辭_シ其_レ上_ニ公_ノ子_ヲ受_テ宿_ス反_ラ辭_シ及_テ公_ノ子_ヲ反_テ國_ニ伐_テ曹_ヲ乃_チ其_レ
 負_テ羈_ス之_レ間_ニ令_テ兵_士無_ク敢_テ入_リ士_ノ民_ノ之_レ扶_テ老_ヲ携_テ幼_ヲ而_チ赴_リ其_レ
 間_ニ者_ヲ門_外成_テ市_ヲ君_ノ子_ヲ謂_フ陪_氏之_レ妻_ヲ能_ク遠_ク識_リ詩_ニ云_フ既_ニ明_ニ
 且_チ哲_ク以_テ保_ツ其_レ身_ヲ此_ノ之_レ謂_フ

頌曰

僖_氏之_レ妻_ヲ 厥_レ智_ク孔_ニ白_ク 見_テ晉_ノ公_ノ子_ヲ 知_ル其_レ興_作
 使_テ夫_ヲ饋_テ宿_ヲ 且_チ以_テ自_レ詘_ス 文_ノ伐_テ曹_ノ國_ヲ 卒_ニ獨_ク見_テ釋_ス

五 孫叔敖母

楚令尹孫叔敖之母也叔敖為嬰兒之時出遊見而
頭蛇殺而埋之歸見其母而泣焉母問其故對曰吾
聞見而頭蛇者死今者出遊見之其母曰蛇今安在
對曰吾恐他人復見之殺而埋之矣其母曰汝不死
矣夫有陰德者陽報之德勝不祥仁除百禍天之處
高而聽卑書不云乎皇天無親惟德是輔爾嘿矣必
興于楚及叔敖長為令尹君子謂叔敖之母知道德
之次詩云母氏聖善此之說也

頌曰

叔敖之母 深知天道
叔敖見蛇 兩頭岐首
殺而埋之 泣恐不及
母曰陰德 不死必壽

六 晉伯宗妻

晉大夫伯宗之妻也伯宗賢而好以直辨凌人每朝其妻常戒之曰盜憎主人民愛其上其上有愛好人者必有憎妬人者夫子好直言枉者惡之禍必及身矣伯宗不聽朝而以喜色歸其妻曰子貌有喜色何也伯宗曰吾言于朝諸大夫皆謂我知也陽子妻曰實教不華至言不飾今陽子華而不實言而無謀是以禍及其身子何喜焉伯宗曰吾欲飲諸大夫酒而與之謀爾試聽之其妻曰諾于是為大會與諸大夫飲既飲而問妻曰何若對曰諸大夫慕子若也然而民之



不能戴其上久矣難必及子子之仕固不可易也且
 國家多貳其危可立待也子何不預結賢大夫以託
 州犁焉伯宗曰諾乃得畢羊而交之及藥不忌之難
 卻寔伯宗譖而殺之畢羊乃送州犁于荆遂得免焉
 君子謂伯宗之妻知天道詩云多將熇熇不可救藥
 此之謂也

頌曰

伯宗凌人 妻規粗亡 數諫伯宗 厚許畢羊
 屬以州犁 以免咎殃 伯宗遇禍 州犁奔荆



七 衛靈夫人

衛靈公之夫人也靈公與夫人夜坐聞車聲轡至
闕而止過關復有聲公問夫人曰知此謂誰夫人曰
此蘧伯玉也公曰何以知之夫人曰妾聞禮下公門
式路馬所以廣敬也夫忠臣與孝子不為昭之變節
不為冥之情行蘧伯玉衛之賢大夫也仁而有智敬
以事上此其人必不以闇昧廢禮是以知之公使視
之果伯玉也公反之以戲夫人曰非也夫人酌觴再
拜賀公曰子何以賀寡人夫人曰始妾獨以衛為
有蘧伯玉爾今衛復有與之齊者是君有二臣也國

多賢臣國之福也妾是以賀公驚曰善哉遂語夫人
其實焉君子謂衛夫人明于知人道夫可欺而不可
罔者其明智乎詩云我聞其聲不見其人此之謂也

頌曰

衛靈夜坐 夫人與存 有車轡至 中止關門
夫人知之 必相玉馬 維知識賢 問之信然



八 齊靈仲子

齊靈仲子者宋侯之女齊靈公之夫人也初靈公娶于魯聲姬生子光以為太子夫人仲子與其婢戎子嬖于公仲子生子牙戎子請以牙為太子代光公許之仲子曰不可夫廢常不祥聞諸侯之難失謀夫光之立也列于諸侯矣今無故而廢之是專絀諸侯而以難犯不祥也君必悔之在我而已仲子曰妾非讓也誠禍之萌也以死爭之公終不聽遂逐太子光而立牙為太子高厚為傅靈公疾高厚欲迎牙及公薨雀杼立光而殺高厚以不用仲子之言禍至於此君

子謂仲子明於事理詩云聽用我謀庶無大悔仲子之謂也

頌曰

齊靈仲子仁智顯明靈公立牙廢姬子先仲子強諫棄嫡不祥公既不聽果有禍殃



九 魯滅孫母

滅孫母者魯大夫滅文仲之母也文仲將為魯使至齊其母送之曰汝刻而無恩好盡人力窮人以為威魯國不容子矣而使子之齊凡奸將作必於變動害子者其于斯發事乎汝其戒之魯與齊通壁壁隣之國也魯之寵臣多怨汝者又皆通于齊高子國子是必使齊圖魯而拘汝留之難乎其免也汝必施恩在惠而後出以求助焉于是文仲詎于三家厚士大夫而後之齊果拘之而興兵歆齧魯文仲陰使人遺公書恐得其書乃謬其辭曰飲小器投諸台食獵犬

組羊裘琴之合甚思之滅我羊羊有母食我以同魚冠纓不足帶有餘公及大夫相與議之莫能知之人有言滅孫母者世家子也君何不試召而問焉于是召而語之曰吾使滅子之齊今持書來云爾何也滅孫母泣下襟曰吾子拘有木治矣公曰何以知之對曰飲小器投諸台者言取郭外萌內之於城中也食獵犬組羊裘者言趣饗戰鬪之士而繕甲兵也琴之合甚思之者言思妻也滅我羊羊有母是蓋告妻善養母也食我以同魚同者其文錯錯者所以治鋸鋸者所以治木也是有木治保于獄矣冠纓不足帶有



餘者頭亂不得梳創不得食也故知吾子拘而有木
 治矣於是以致孫母之言軍于境上齊方遣兵將以
 罷魯聞兵在境上乃還文仲而不伐魯君子謂臧孫
 母識高見遠詩云陟彼屺兮瞻望母兮此之謂也

頌曰

臧孫之母 勸子好威 必且遇善 使援所危
 既厚三家 果拘于齊 母說其書 子遂得歸

十 晉羊叔姬

叔姬者羊舌子之妻也叔向叔魚之母也一姓楊氏叔向名盼叔魚名鮒羊舌子好正不容于晉去而之三室之邑三室之邑人相與攘羊而遺之羊舌子不受叔姬曰夫子居晉不容去之三室之邑又不容于三室之邑是于夫子不容也不如受之羊舌子受之曰為盼與鮒烹之叔姬曰不可南方有鳥名曰乾吉食其子不擇肉子常不遂今盼與鮒童子也隨大夫而化者不可食以不義之肉不若埋之以明不與于是乃盛以甕埋壚陰後十年攘羊之事發都吏至

言子曰吾受之不敢食也爇而視之則其骨存焉都吏曰君子哉羊舌子不與攘羊之事矣君子謂叔姬為能防害遠疑詩曰無曰不顯莫予云觀此之謂也叔向歆娶于申公巫臣氏夏姬之女美而有色叔姬不歆娶其族叔向曰吾母之族貴而無庶吾懲舅氏矣叔姬曰子靈之妻殺三夫一君一子而下國而卿矣爾不懲此而反懲吾族何也且吾聞之有奇福者必有奇禍而有甚美者必有甚惡今是鄭穆少妃姚子之子子絡之妹也子絡早死無後而天鍾美于是將必以是大有敗也昔有仍氏生女髮黑而甚美

光可監人名曰玄妻樂正夔娶之生伯封實有承心
念戾母期貪婪無厭謂之封豕有窮后羿滅之夔是
用丕祀且三代之不恭太子之廢皆是物也汝何以
為我夫有美物足以移人首非德義則必有禍也叔
向懼而不敢娶平公強使娶之生楊食我食我號曰
伯碩生時侍者謁之叔姬曰長如產男叔姬往視之
及堂聞其號也而還曰豺狼之聲也狼子野心今將
滅羊舌氏者必是子也遂不肯見及長與初勝為亂
晉人殺食我羊舌氏由是遂滅君子謂叔姬為能推
類詩云如彼泉流無淪脊以敗此之謂也叔姬之始

生叔魚也而視之曰是虎目而豕喙為肩而牛腹脊
怒可盈是不可饗也必以賂死遂不見及叔魚長為
國贊理邢侯與雍子爭田雍子入其女於叔魚以求
直邢侯殺叔魚與雍子于朝韓宣子患之叔向曰三
姦同罪請殺其生者而戮其死者遂族邢侯氏而廢
叔魚與雍子于市叔魚卒以貪死叔姬可謂知矣詩
云貪人敗類此之謂也

頌曰

叔向之母 察于情性 知人之生 以窮其命
叔魚食我 皆貪不正 必以貨死 果卒分爭

十一 晉范氏母

晉范氏母者范獻子之妻也其三子遊于趙氏趙簡子乘馬園中園中多株問三子曰奈何長者曰明君不問不為亂君不問而為中者曰愛馬足則無愛民力愛民力則無愛馬足少者曰可以三德使民設令伐株于山將有馬為也已而閑園示之株夫山遠而園近是民一悅矣夫險阻之山而伐平地之株民二悅矣既畢而賤賣民三悅矣簡子從之民果三悅少子伐其謀歸以告母母喟然嘆曰終滅范氏者必是子也夫伐功施勞鮮能布仁無偽行詐莫能久長其



後智伯滅范氏君子謂范氏母為知難本詩曰無亦
皇祖式救爾後此之謂也

頌曰

范氏之母 貴德尚信 小子三悅 以詐與民
知其必滅 鮮能有君 後果逢禍 身死國分



十一 魯公乘如

魯公乘如者魯公乘子皮之如也其族人死如哭之甚悲子皮止如曰安之吾今嫁姊矣已過時子皮不復言也魯君欲以子皮為相子皮問如曰魯君欲以我為相為之乎如曰勿為也子皮曰何也如曰夫臨喪而言嫁一何不習禮也後過時而不言一何不達人事也子內不習禮而外不達人事子不可以為相子皮曰如欲嫁何不早言如曰婦人之事唱而後和吾豈以欲嫁之故數子乎子誠不習於禮不達於人事以此相一國據大政何以理之譬猶掩目而別黑白也掩目而別黑白猶無患也不達人事而相國非有天然必有人禍子其勿為也子皮不聽卒受為相居未期年果諫而死君子謂公乘如緣事而知弟之遇禍也可謂智矣待禮然後動不為觸情可謂貞矣詩云籜兮籜兮風其吹汝叔兮伯兮唱予和汝又曰百爾所思不如我所之此之謂也

頌曰

子皮之姊 明事公禮 子皮相魯 知其禍起
 姊諫子皮 殆不如止 子皮不聽 卒為宗恥

十一 魯漆室女

漆室女者魯漆室邑之女也過時未適人當穆公時
君老太子幼女倚柱而嘯旁人聞之莫不為之恠者
其隣人婦淫之遊謂曰何嘯之悲也子欲嫁耶吾為
子求偶漆室女曰嗟乎始吾以子為有知今無識也
吾豈為不嫁不樂而悲哉吾憂魯君老太子幼隣婦
笑曰此乃魯大夫之憂婦人何與焉漆室女曰不然
非子所知也昔晉客舍吾家繫馬園中馬佚馳走踐
吾葵使我終歲不食葵鄰人女奔隨人亡其家倩吾
兄行追之逢霖水出瀕流而死念吾終身無兄吾聞

三卷

莊



三卷

莊

河潤九里漸洳三百步今魯君老悖太子少愚愚偽
 日起夫魯國有患者君臣父子皆被其辱禍及衆庶
 婦人獨安所避乎吾甚憂之子乃曰婦人無與者何
 我鄰婦謝曰子之所慮非妾所及三年魯果亂齊楚
 攻之魯連有寇男子戰鬪婦人轉輸不得休息君子
 曰遠矣漆室女之思也詩云知我者謂我心憂不知
 我者謂我何求此之謂也

頌曰

漆室之女 計慮甚妙 維魯且亂 倚柱而嘯
 君老嗣幼 愚悖姦生 魯果擾亂 齊伐其城



十四 魏曲沃負

曲沃負者魏大夫如耳母也秦立魏公子政為魏太子魏哀王使使者為太子納妃而美王將自納焉曲沃負謂其子如耳曰王亂于無別汝胡不匡之方今戰國強者為雄美者顯焉今魏不能強王又無美何以持國乎王中人也不知其為禍耳汝不言則魏必有禍矣有禍必及吾家汝言以盡忠忠以除禍不可失也如耳未遇門會使于齊負因款王門而上書曰曲沃之老婦也心有所懷願以聞於王王召入負曰妾聞男女之別國之大節也婦人脆于志窳于心不

妻奔

可以邪開也是故必十五而笄二十而嫁早成其號謚所以就之也聘則為妻笄則為妾所以開善遏淫也節成然後許嫁親迎然後隨從貞女之義也今大王為太子求妃而自納之于後宮此毀貞女之行而亂男子之別也自古聖王必正妃匹妃匹正則興不正則亂夏之興也以塗山亡也以末喜殷之興也以有娀亡也以妲己周之興也以太姒亡也以褒姒周之康王夫人晏出朝關雎起興思得淑女以配君子夫睢鳩之鳥猶未嘗見棄居而匹處也夫男女之盛合之以禮則父子生焉君臣成焉故為萬物始君臣

三卷

三

父子夫婦三者天下之大綱紀也三者治則治亂則亂今大主亂入道之始棄綱紀之大敵國五六南有強楚西有橫秦而魏國居其間可謂僅存矣王不憂此而從亂無別父子同女妾恐大主之國政危矣王曰然寡人不知也遂與太子妃而賞負三十鐘如耳還而爵之哀王勤行自修勞來國家而齊楚強秦不敢加兵焉君子謂魏負知禮詩云敬之敬之天維顯思此之謂也

頌曰

魏負聰達 非刺哀王 王子納妃 禮別不明



負欸王門 陳列紀綱 王能自備 卒無敵兵

十五 趙將括母

趙將馬服君趙奢之妻趙括之母也秦攻趙孝成王使括代廉頗為將將行括母上書言于王曰括不可使將王曰何也曰始妾事其父父時為將身所奉飯者以十數函友者以百數大王及宗室所賜幣者盡以與軍吏士大夫受命之日不問家事今括一旦為將東向而朝軍吏吏無敢仰視之者王所賜金帛歸盡藏之乃曰視便利田宅可買者王以為若其父乎父子不同執心各異願勿遣王曰母置之吾計已決矣括母曰王終遣之即有不稱妾得無隨乎王曰不



踏



也括既行代廉頗三十餘日趙兵果敗括死軍覆王
以括母為仁智詩曰老夫灌灌小子橋々匪我言耄
爾用憂謹此之謂也

頌曰

孝成用括 代頗拒秦 括母獻書 知其覆軍
願止不得 請罪止身 括死長平 妻子得存

新刻古列女傳卷之三終

